

Vobis ( sed causa est, quia Phœbi munera nostis )  
Phœbéum assessum condecorare placet.

Credite SEMIDEI, non tanti oblivio facti

Me capiet: turpe est non meminisse boni.

Ut Musæ exultant? ut doctus ridet Apollo?

Festa quòd hæc ornet tam GENEROSA Cohors!

Sancta Trias, ter-sancta Trias vos ditet ab axe,

Sentiat ut vestram patrius orbis opem.

Non minus & vestrum, quem laudo, agnosco Fa-  
vorem,

Agnosco, & gratâmente animoq; colo,

Magnifice ô RECTOR, spectabilis arte DECANE,

Omniaq; ARGYROPEs Publica membra SCHOLÆ

Me puerum ad Pindi duxistis culmina primi:

Per vos ad Musas mî via strata fuit.

Artibus ingenuis animum informastis amicè,

Cùm mihi Barbaries bella moveret iners.

Nunc etiam vobis placet hanc spectare Corollam

Quod vestri in memet pignus amoris erit.

Ecquid vos reliqui, quos præsens Concio claudit,

Quos amo, quos veneror, quos mea corda pu-

Et Pietate graves & Nobilitate corusci, (to,

Et varijs Mentis dotibus egregij?

Dicite, quî merui, quòd me foveatis amore,

Quod numero ingenti scamna repleta crepent?

Proh! quid non vobis pro tali debeo honore?

Illo quid facto gratius esse potest?

At tu Summe DEUS, cœli terræq; Monarcha,

Quo te cantabo Carmine, Summe DEUS.

Summe DEUS, sumas animum pro carmine gratû;

Nil possum ulterius tradere, Summe DEUS?

Summe